

Yo vusuludzwa,  
i tevhedza CAPS

# Gireidi ya

Zwikili zwa Vhutshilo  
nga TSHIVENDA

Bugu ya 2  
Themo dza 3 & 4



Dzina:

Kilasi:

ISBN 978-1-4315-0250-9



LIFE SKILLS IN TSHIVENDA  
GRADE 1 – BOOK 2  
TERMS 3 & 4

ISBN 978-1-4315-0250-9

THIS BOOK MAY NOT BE SOLD.

15th Edition

Workbooks available in this series:

- Grade R (in all official Languages);
- Literacy/Home Language Grades 1 to 6 (in all 11 official Languages);
- Mathematics Grades 1 to 3 (in all 11 official Languages);
- Mathematics Grades 4 to 9 (in Afrikaans and English);
- Life Skills Grades 1 to 3 (in all 11 official Languages); and
- Grades 1 to 6 English First Additional Language.



basic education

Department:  
Basic Education  
REPUBLIC OF SOUTH AFRICA



## Zwi re ngomu

### Themo ya 3 Siañari

- 33** Tshitshavhani tsha hashu ..... 2
- 34** U londa zwishumisa zwa tshitshavhani tsha hashu ..... 4
- 35** Zwo khakhea naa? ..... 6
- 36** Vhatu vha tshitshavhani tsha hashu ..... 8
- 37** Zwipuka zwine ra fuwa sa zwifuwohaya ..... 10
- 38** U vhavhalela zwifuwohaya ..... 12
- 39** Mikhwa na vhudifhinduleli ..... 14
- 40** Vhudifhinduleli vhuñwe hafhu ..... 16
- 41** Ndi ngani ri tshi ḥoda zwimela ..... 18
- 42** Zwimela zwi vhonala nga ndilađe? ..... 20
- 43** Mbeu na hune dza bva hone ..... 22
- 44** Zwine zwimela zwa ḥoda uri zwi aluwe ..... 24
- 45** Zwiļiwa zwine ra ja ..... 26
- 46** Hune zwiļiwa zwo fhambanaho zwa bva hone ..... 28
- 47** Zwiļiwa zwa mutakalo na zwi si na mutakalo ..... 30
- 48** U vhulunga zwiļiwa ..... 32



### Themo ya 4 Siañari

- 49** Tshaka dza nndu (1) ..... 34
- 50** Tshaka dza nndu (2) ..... 36
- 51** Zwe mīđi yo fhambanaho ya fhañwa ngazwo ..... 38
- 52** Nndu dzi no tea mutsho wo fhambanaho ..... 40
- 53** U wana fhethu na zwithu (1) ..... 42
- 54** U wana fhethu na zwithu (2) ..... 44
- 55** U wana ndila ..... 46
- 56** Wanani zwiitei tshitorini ..... 48
- 57** Kushumisele kwashu kwa mađi: hayani na tshikoloni ..... 50
- 58** Ndila dza u lozwa mađi ..... 52
- 59** Mađi a u nwa o teaho na a songo teaho ..... 54
- 60** U vhulunga mađi o kunaho ..... 56
- 61** U bva kha masiari u ya kha vhusiku ..... 58
- 62** Makoleni vhusiku ..... 60
- 63** Duvha na ḥwedzi ..... 62
- 64** Naledzi ..... 63



Vho Siviwe Gwarube,  
Minista wa Muhasho  
wa Pfunzo ya Muteo



Vho Dr. Reginah Mhaule,  
Muthusaminista wa  
Pfunzo ya Muteo

Bugu idzi dza u shumela dzo bveledzwa u itela uri dzi shumiswe nga vhagudi vha Afurika Tshipembe nga fhasi ha vhurangaphanda ha Minisita wa Pfunzo ya Muteo, mufumakadzi Vho Siviwe Gwarube na Muthusaminista wa Pfunzo ya Muteo, Vho Dr. Reginah Mhaule.

Bugu dza u shumela dza Rainbow dzi vhumba tshipida tsha mbekanyamushumo dza vhudzheneleli dza Muhasho wa Pfunzo ya Muteo wo livhiswaho kha u khwinisa kushumele kwa vhagudi vha Afurika Tshipembe kha gireidi dza rathi dza u thoma. Sa tshinwe tsha zwithu zwa n̄thesa zwa Pulanetshumisi ya Muvhuso, thandela iyi yo itwa uri i vhe hone nga thusedzo ya masheleni ya Muhasho wa Gwama. Izwi zwo ita uri muhasho u kone u bveledza idzi bugu dza u shumela kha nyambo dzođe dza tshiofisi hu si na mbadelo.

Ri fulufhela uri vhadededzi vha do vhone ndeme ya bugu idzi kha u funza havho ha ḫuvha liñwe na liñwe vha dovha vha ita uri vhagudi vha kone u khunyeledza kharikhuñamu yothe. Ro lingedza nga ndila dzođe u sumbedza vhagudisi kha nyito inwe na inwe nga u dzhenisa aikhoni dzine dza sumbedza zwine vhagudi vha fanela u ita.

Ri na fulufhelo ḥothe ja uri vhagudi vha do diphina nga u shuma nga idzi bugu musi vha tshi khou aluwa na u guda, na uri vhone sa vhadededzi vha do vha na mukovhe kha dakalo ili.

Ri ri kha vhone na vhagudi vhavho, ngavhe zwi tshi vha nakela musi vha tshi shumisa bugu idzi. Zwi pfumbe.

# Gireidi ya

1



Zwikili zwa Vhutshilo  
nga **TSHIVENDA**  
Bugu ya 2



Heyi bugu ndi ya:



# Fhethu ha tshi tshava tsha hashu



Kha ri vhale

Humbulani nga  
vhatu vhothe  
vhane na vha vhona  
na u amba navho  
duvha linwe na  
linwe – ndi vhatu  
vhane vha vhumba  
tshitshavha tsha  
hanu.

Vha nga vha vhatu  
vha re zwitaratani  
kana vha tshi dzula  
tsini na ha hanu.  
Vha nga vha vha  
tshi wanala kerekene  
kana tshikoloni tsha  
hanu, mapholisa  
a kusi kwa hanu,  
madokotela na  
vharinwe vhanzhi.



Kha ri ambe

Ambani na khonani yanu nga tshifanyiso tshi re kha masiatari aya mavhili.

Ndi fhethu hufhio tshifanyisoni itshi hune na hu elelwa?

Ndi ngafhi kha afha fhethu hune vhatu vha tangana kana u kuvhangana hone?



Duvha:.....



Kha ri ite nyito

Ndi f hethu hufhio hu re kha tshifanyiso tshi re afho fhasi he na vhuya na hu dalela? Tevhedzelani zwivhumbeo zwaho nga khirayoni.



Kha ri ambe

Vhudzani khonani yanu uri no dalela afho fhethu ni na nnyi kana no vha ni nothe. Ndi ngani no hu dalela?

Ni vhona u nga afho he na endela hone hu a lelutshela vhaeni vha re vhaholefhal?



# U londa zwishumiswa zwa tshitshavhani tsha hashu



Kha ri ambe

Hune ra dzula hone hu na zwishumiswa zwine zwa nga shumiswa nga vhathu vhothe. Kiliniki, zwikolo, midavhi ya zwipotso na zwibadela ndi fhethu hune rothe ra hu shumisa.

Ri tea hafhu u ita uri vhupo hashu hu dzule hokuna, u itela uri muthu muñwe na muñwe a diphiñe ngaho.



Kha ri ambe

Ambani na khonani yanu nga tshifanyiso itshi:

- Ni vhaba u nga vhathu vha a takalela u dzula afha fhethu?
- Ndi nga mini ni tshi humbula ngauralo?
- Tshitshavha na vhupo ha hanu hu nga khwiniswa nga ndilade?

Duvha:.....



### Kha ri ite nyito

Dioleni tshifanyiso tsha mivhalavhala tsha musi ni tshi khou tshimbila nga tshiendedzi tsha phabuliki (tsha nnyi na nnyi sa tshidimela, bisi kana thekhisi. Ni ite na u sumbedza saizi dzo f'hambananaho dza vhathu vhe na namela navho - vhariwe vha vhe vho dzula vho tou tswititi, vhariwe vha vhe vho kotamela phanda kana vho lala vho gogodela nga mutana, vhariwe vhe vhahulwane ngeno vhariwe vhe vhatuku.




### Kha ri tharamuwe



## Kha ri dudele

- Itani uri ni didudedze nga u dodoma ni tshi ya phanda nga zwikunwe.
- Zwino tshimbilani nga tshamurahu nga zwirethe.
- Tshimbilani ni tshi ya phanda nga zwirethe.
- Zwino tshimbilani nga tshamurahu nga zwikunwe.



## Sikani maledere

Itani zwigwada zwa vhathu vha vhavhilivhavhili. Shumisani mivhili ya vhoiwe kha u vhumba maledere.

Ni nga ima na luvhondo kana na lala fhasi.

Wanani uri inwi na khonani dzañu ni nga kona u sika ledere line a hu na muthu ane a nga li kona.



# Zwo khakhea naa?


Themo ya 3 - Vhege dza 2



Kha ri ambe

Lavhelesani zwifanyiso izwi.

Ni a ṭalukanya uri izwi swishumiswa zwot̄he ndi zwifhio? Vhudzani khonani yanu ndila yone ya u shumisa tshishumiswa tshiñwe na tshiñwe.



Duvha:.....



### Kha ri ite nyito

Fhaṭani modele (tshiedziswa) wa tshifhaṭo ni tshi shumisa matheriala o vusuludzwaho. Ni nga kha di fhaṭa kiliniki, laiburari kana tshifhaṭo tshiñwevho tshi re henefho tshitshavhani tsha hanu. Ni nga kha di shuma nga zwigwada. Khavhisani tshifhaṭo tshañu ni tshi sumbedza uri ndi tshifhaṭode tshe na fhaṭa.



### Kha ri ḫaramuwe

- Vhekanyani mathaela o tou ima kha rou.
- Swendani vhukati hao.
- Ladzani mathaela fhasi.
- Imani nt̄ha ha thaela nga milenzhe mivhili.
- Thengathengani nga mulenzhe muthihi kha thaela.
- Shumisani mathaela aya kha mitambo miñwevho ya u ḫaramuwa.

Ni vhone ni sa do dihuvhadza.



Mudededzi:
Tsaino:
Duvha:

36

# Vhathu vha tshitshavhani tsha hashu

Themo ya 3 - Vhege dza 2



Kha ri nwale



Mushelapitirolo

Murengisi wa maluvha

Nese (muongi)



Mureili wa thekhisi

Muofisiri wa zwa vhuendi

Dokotela



Murengisi wa mitshelo

Mudzimamulilo

Pholisa



Kha ri ambe

Ni ambe na khonani yanu ngazwo.

Avha vhathu ni a ḥangana navho tshitshavhani tsha hanu?

Vhathu vha tshitshavhani tsha hanu vha a thusana? Vha thusana nga mini?

Duvha:



Kha ri nwale

Talani mutalo u tshi bva mathomoni a fhungo linwe na linwe li re  
kha tsha monde u tshi ya kha li no fana na lo kha tsha u la.

Mudzimamulilo

Murado wa Tshumelo dza Tshipholisa dza Afrika  
Tshipembe (SAPS)

Dokotela

Murengisi wa mitshelo

Mushelapitirolo

u fara mafobvu.

u rengisa mitshelo.

u shela pitirolo.

u dzima mililo.

u a ri lafha.



Kha ri nwale

Lavhelesani zwifanyiso izwi. Nangani dzina lo teaho tshifanyiso tshirwe  
na tshirwe li tshi bva kha maipfi a re afho fhasi. Ni li nwale fhasi ha  
tshifanyiso tshirwe na tshirwe. Vhambedzani phindulo dzanu na dza  
khonani yanu.

Ha zwidzimamulilo

Pitiroloni

Sibadela

Tshititshini tsha  
mapholisa



Vhandani zwanda ni tshi tevhedza  
mutevhetsindo une na khou pfa.

Kha ri tharamuwe

- Thetshelesani zwavhudzi musi mutevhetsindo u tshi shanduka.
- Itani ngaurali kha muzika wa tshaka dzo fhambanaho, u bva kha wa kilasiki u swika kha phopo.
- Vhandani nga u tavhanya kana nga u ongolowa ni sa xedzi mutevhetsindo.

Tsvhudzo ya mudededzi:

Thetshelesani muzika une mudededzi  
wanu vha khou tamba kana  
mitevhetsindo ine mudededzi vha ita kha  
ngoma kana tshilidzo tshirweho tshi ne  
lidzwa  
nga zwanda.



# Zwipuka zwine ra fuwa sa zwifuwohaya



Kha ri vhale

Vhunzhi hashu ri na zwifuwohaya. Tshifuwohaya ndi tshipuka tshine tsha vha khonani yanu. Ni a tshi vhavhalela nahone tshi dzula tshi tsini hanu - huñwe tshi dzula na inwi ngomu nduni ya hanu kana tshi na vhukhudo hatsho ha tshipentshela henefho mudini.



Kha ri ambe

Lavhelesani tshifanyiso. Ambani na khonani yanu nga tshifanyiso itsi. Shumisani khirayoni kha u tangedzela zwifuwohaya zwoñe zwine na kona u zwi vhona. Ni nga kona u vhala zwifuwohaya zwingana? Vhudzani mudededzi wanu.

- Ni na tshifuwohaya? Arali ni natsho, ḥalutshedzani khonani yanu nga hatsho.
- Arali ni si na, ḥalutshedzani khonani yanu uri ndi tshifuwohayade tshine na tama u vha natsho kana uri ndi ngani ni si na tshifuwohaya.



Kha ri nwale

No fhelela sa kilasi, ḥwalani mutevhe wa zwifuwohaya zwot, he zwine zwi si vhe hone tshifanyisoni. ḅwalululelani hafha zwine mudededzi wanu vha ḥwala kha bodo.

---



---



---

Duvha:.....



### Kha ri ite nyito

Olani tshifuohaya  
tshiñwe na tshiñwe  
tshine na tshi tama – ni  
nga kha ñi sokou humbulela  
tshipuka tshiñwe na tshiñwe  
tshine na tama u tshi fuwa.  
Shumisani vumba kha u  
vhumba tshifuohaya itsho.




### Kha ri tharamuwe

Tsivhudzo ya mudededzi:  
Vhunzhi ha mmbwa hu pfana na u tamba nga bola.  
Fhedzi ni tea u vha na luvhilo ngauri mmbwa  
dzi pfana na u dzhia bola dza shavha nayo.

Itani ndowendowé ya u posa na u gavha bola.

- Posani bola ya thenisi tuyani ni tshi shumisa zwanda zwivhili.
- Zwino i poseni tuyani nga tshanda tshithihi ni dovhe ni i gavhe nga tshanda tshenetsho.
- Zwino i poseni tuyani nga tshiila tshiñwe tshanda ni dovhe ni i gavhe nga tshanda tshenetsho.
- Bammbisan bola ya thenisi fhasi nga zwanda zwivhili ni i gavhe hafhu nga zwanda zwivhili.
- I bammbiseni nga tshanda tshithihi ni dovhe ni i gavhe nga tshanda tshenetsho.
- I bammbiseni nga tshiila tshiñwe tshanda ni dovhe ni i gavhe nga tshanda tshenetsho.
- Imani no ita danga. Fhirisani bola nga zwanda zwivhili i ye kha muthu o imaho tsini na inwi.
- Fhirisani bola nga tshanda tshithihi i ye kha muthu o imaho tsini na inwi.
- Fhirisani bola nga tshiila tshiñwe tshanda i ye kha muthu o imaho seli na inwi.



# U vhavhalela zwifuwohaya



**Kha ri ambe**

Ndi mafhungo mahulwane u vhavhalela zwifuwohaya zwashu.

Ambani na khonani yanu nga zwithu zwine zwifuwohaya zwa ṭoda. Didzhieni ni tshifuwohaya tshe khonani yanu a ola kha siatari la II. Humbulani nga zwine na nga ṭoda. Ni nga sedza zwithu zwi no nga zwiliwa na hune na do edela hone. Zwino talutshedzani khonani yanu. Ni ite na u amba nga zwine a tea u ita arali ni tshi nga lwala.



**Kha ri nwale**

Itani thiki (✓) tsini na tshithu tshiñwe na tshiñwe tshine tsha ṭodiwa nga tshifuwohaya.

Mađi

Zwiliwa

Fhethu hu no dudela na u sa ḥukala hune tsha do edela hone.

Tshisibe tsha mano

Holodei

Nanga ya zwifuwo musi tshi tshi lwala



**Kha ri ite nyito**

Olani vhukhudo na zwiliwa zwine zwa ṭodiwa nga zwipuka izwi. Ni kone u nwala madzina ane ra a rina vhana vhazwo.

Tshipuka	Zwiliwa	Dzina la nwana
		_____
		_____
		_____

Duvha:.....



### Kha ri ite nyito

Vhalani fhungo liniwe na liniwe ni humbule ngauri no vha ni tshi nga dipfa hani na uri no vha ni tshi nga ri mini kana u ita mini. Mudededzi wanu vha do ni vhudza uri ni tambe litambwa lifhio.

- No fuwa tshifuwohaya tshiswa.
- Tshimange tshanu tsho ngalangala.
- Mmbwa yanu yo la thoyi (tshitambisa) yanu ine na i funesa.
- Khonani yanu u levhela (tunga) mmbwa.
- No vhona mmbwa yo khetshelwa goloini yo valiwaho mafasitere.



### Kha ri tharamuwe

Thetshelesani mitevhetsindo yo fhambananaho ine mudededzi wanu vha do i lidza. Diiteni uri ni tshipuka tshine tsha tshina tshi tshi tevhedza mitevhetsindo wa muzika.



Musi muzika u tshi tavhanya, gadani sa bere.



Musi muzika u sa lilesi, fhufhani sa tshisu.



Musi muzika u tshi lilesa, tshimbilani sa ndou.



Musi muzika u tshi ongolowa, tshimbilani sa tshibode.



### Kha ri ambe



Muvhuda ndi lushaka lwa mbevha. Mano a mbevha ha gumi u aluwa.



Nwaha muthihi wa muthu u lingana na minwaha ya sumbe ya mmbwa. Musi mmbwa i na minwaha miraru, i na minwaha ya fumbili ya muthu.



Musi tshimange tsho takala, tshi a honedzela.



### Kha ri diphine

"Tshimange na Mbewha". Mudededzi wanu vha do ni vhudza uri ndi nnyi a re tshimange, ndi nnyi a re mbevha. Tshintshanani (tchadulanani) vhuimo nga murahu nyana.



# Mikhwa na vhudifhinduleli



Maipfi aya a sumbedza mikhwa. Mikhwa yashu ndi ndila ine ra fara ngayo vhañwe vhathu. Mikhwa yashu i ri sumbedza uri ri t̄honifhana hani sa vhathu.

Ri pfa ri tshi takalela u amba na muthu a re na mikhwa. Zwi dovha zwa vha zwavhuđi u vha na vhukonani na muthu a re na mikhwa yavhuđi.

Ri na vhudifhinduleli ha u fara vhañwe vhathu zwavhuđi tshifhinga tshot̄he. Ndi ngazwo muñwe na muñwe washu a tshi tea u tshila nga mikhwa yavhuđi.

Duvha:.....



### Kha ri ambe

Lavhelesani zwifanyiso. Vhalani maipfi a re zwibogisini. Ambani na khonani yanu nga zwifanyiso izwi. Ambani nga mikhwa mivhuya na mikhwa mivhi ine vhana vha khou sumbedza.

Ndi matsheloni,  
Makhulu!



Ivhani a neaho.

No hangwa vhurotho  
hanu? Dzhiani hanga.

Ndi a livhuha  
no nthetshesla  
zwavhudzi.



Konani u lindela.



Vha mpfarele,  
Mmawe. Ndo vha  
ndi tshi khou sedza  
nele<sup>t</sup>e kha vasi  
yavho, ya wa ya  
kwashea!

Mulalo, wee. Ndo doba  
bege yanu hangei nn̄da.  
Thamusi khirayoni  
dzanu dzi tshee hone  
dzothē.

Thetshelesani  
vharīwe.

Ivhani a fuluf' hedzeah.



Thonifhani vharīwe vhatu.

Lumelisani vhatu vhane na vha dīvha  
na vhane na sa vha dīvhe.

Thonifhani zwi re zwa vharīwe.



Mudededzi:  
Tsaino:  
Duvha:

# Vhudifhinduleli vhuñwe hafhu

Kha ri nwale

Lavhelesani zwifanyiso izwi ni vhale mafhungo a re zwibogisini. Talani mutalo u tshi ya kha vhudifhinduleli hu no yelana na tshifanyiso tshinwe na tshinwe.



Ndi a thusa uri mudi wa hashu u dzule wo kuna.



Ndi khonani ya vhukuma i no thusa vhanwe.



Ndi a sumbedza vha muta wa hashu uri ndi a vha funa.



Ndi tamba zwavhudzi nga thoyi (zwitambiswa) dza khonani yanga.

Ndi a dit hogomela khathihi na u londa zwithu zwanga.

Ndi a thusa khotsi anga u deka tafula.

Duvha:.....



### Kha ri tambe

Itani litambwa la mikhwa yavhuđi na vhudif hinduleli

ni tshi sumbedza:

- u lumelisa vhathe vhanen a vha divha na vhanen a sa vha divhe
- kana u kona u lindela
- kana u kona u thetshelesa zwavhuđi muñwe muthu
- kana u kona u nea
- u ita vhukonani na muñwe muthu
- u fulufhedzea
- kana u thonifha zwi re zwa vharewe
- kana u thonifha vharewe vhathe



### Kha ri ite nyito

Dioleni tshifanyiso ni  
tshi khou sumbedza  
vhukonani na vharewe  
vhathe.



### Kha ri tharamuwe

Thetshelesani mudededzi wañu vha tshi ni vhudza uri ni thamuwe/fhufhe,  
ni gidime kana ni kokovhe.

Vha do lidza tshitiriri vha sa athu amba ndaela ntswa. Tevhedzani ndaela ya  
mudededzi wañu nga u t̄avhangana kana na ongolowa.



### Kha ri tambe

Tambani openi nga mulenzhe wañu une na sa u shumisese.

Ndi mikhwa mihulwane ifhio yavhuđi ine na i sumbedza musi  
ni tshi khou tamba openi?

Musi ni kha zwigwada, itani litambwa  
la mikhwa yavhuđi na vhudif hinduleli  
zwi tshi kwama:

- muñ a wa hanu
- kana mushumo wanu wa tshikolo
- kana mishumo yanu ya hayani
- kana zwiliwa zwine na newa  
duvha linwe na linwe
- kana zwiambaro zwine na  
ambara
- kana thoyi dzanu
- kana khonani dzanu



# Ndi ngani ri tshi toda zwimela




Kha ri ambe

Lavhelesani u mona na inwi. Ndi zwithu zwifhio zwine na vhona zwo bva kha zwimela? Ambani na khonani yanu ni vhone uri vhuvhili hanu ni nga humbula nga zwithu zwingana. Vhudzani mudededzi wanu nga zwimela zwe na kona u zwi humbula.



Kha ri vhale



Zwinwe zwimela na miri zwi ri fha mirunzi.

Zwinwe zwimela zwi ri fha dzhusi na zwiliwa.

Zwinwe zwimela na miri zwi fha zwipuka vhukhudo.



Zwinwe zwimela zwi ri fha maluvha a u nakisa nduni dzashu.





Duvha:.....

Ri ṭoda mahatsi midavhini  
yashu ya mitambo.



Ri ṭoda mudali wa u  
ita zwiambaro.



Ri shumisa ḫhangā kha u ita  
mithatha na u fulela ḫhangā.



Ri shumisa zwimela na miri kha  
u ita fenitsha.



Kha ri ambe

Ni na khonani yañu, nangani zwithu zwiraru zwihiwlwane  
zwine ra shumisa zwimela khazwo.

Ri nga ita uri zwimela zwi ṭavhanye u fhele nge ra zwi  
shumisesa? Ambani nga mbudziso iyi no fhelela sa kiłasi.





## Zwimela zwi vhonala nga ndilade

Zwimela zwi na zwipida zwo fhambanaho. Shumisani maipfi a no bva zwibogisini ni tshi lebulu zwimela izwi. Vhambedzani maipfi anu na a khonani yanu.

midzi


tsinde

tari

liluvha

ganda la mbeu

tsinde



Duvha:.....



### Kha ri tharamuwe

Khethekanyani kilasi hu bve zwitshinyangade na vhalimangade.

- Vhalimangade vha lingedze u thivhela kana u fasha zwitshinyangade.
- Tshintshanani vhuimo nga murahu ha minete mivhili.
- Zwi dovhoholeni lunzhi.



### Kha ri tambe

Tambani mudzumbamo.




Zwitshinyangade zwo dzumbama ho<sup>the</sup> nga fhasi kana murahu ha zwimela zwino vhalimangade vha tea u zwi wana zwi sa athu la zwimela zwot<sup>he</sup>.



### Kha ri ambe

Zwimela zwa tshaka dzo fhambananaho zwi vhonala zwo fhambana vhukuma. Fhedzi zwi dovhya zwa fana fhethu hunzhi. Lavhelesani zwifanyiso izwi. Ambani na khonani yanu nga zwimela. Zwi fhambana ngafhi zwa fana ngafhi?



### Kha ri ite nyito

Oiani kana ni pennde  
tshikhokhonono tshi no khou  
todou la mu<sup>n</sup>awa. A tsho ngo  
tea u vha tshikhokhonono  
tsha vhukuma. Shumisani  
muhumbulo (nyelekanyo)  
wanu. Oiani kana ni pennde  
ni tshi shumisa mitalo kana  
zwivhumbeo zwi no vhonala.



Mudededzi:  
Tsaino:  
Duvha:

# Mbeu na hune dza bva hone

Themo ya 3 - Vhege dza bva hone



Kha ri vhale

Zwiñwe zwimela zwi na mbeu dze dza dzumbiwa kha maluvha kana mitshelo.

Ri ita na u ṭavha mbeu idzi uri hu mele zwimela.

Mbeu i a wa kha zwimela uri i thome zwimela zwiswa.

Dziñwe mbeu dzi hashiwa nga maya kana nga vhathe, zwikhokhonono na zwipuka. Mañwe makanda a mbeu a liwa nga zwiñoni lune mbeu ya sala kha zwitoko zwazwo. Mbeu iyi i a hwaliwa ngaurali ya ya ya mela huñwe fhethu.



Kha ri ambe

Mbeu dzi phadaladzwa nga ndila ifhio kha tshinwe na tshinwe tsha zwifanyiso zwi re afho n̄tha? Mbeu iñwe na iñwe i tea u vha i na tshivhumbeo tshifhio uri i kone u phadaladzwa nga ndila iyi? Rerani na khonani yanu.



Arali ni tshi ṭodou ṭavha zwimela nga mbeu, ni nga shumisa mbeu i no bva kha zwimela zwi re ngadeni yanu. Kana ni tou renga mbeu vhengeleni.



Duvha:.....



### Kha ri ambe

Gudani tshirendo itshi na mitharamuwo.

Kubeu kučukukučuku:  
 Kha ri ḥavhanye ri ku ḥavhe mavuni!  
 Kwa mbo ḫi mela tsinde na dzuvha.  
 Ḫi re na munukho u no nukhelela.  
 Notshi ya ḥoňa i tshi mona na  
 dzuvha –  
 Hu si kale ḫila dzuvha ḫa mbo fa.



### Kha ri ḥaramuwe

Sumbedzani uri no takala nga u ita hezwi  
 Farani dzuvhariboni (sashi) kana riboni  
 ndapfu nga tshanda tshine na tshi shumisesa.  
 Dzungudzani tshe na fara, ni tshi ita phetheni  
 dzo fhambananaho muyani kana kha mavu.  
 Thomani nga u shumisa tshanda tshine na tshi  
 shumisesa ni kone u tevhedza nga tshine na sa  
 tshi shumisesa.

Arali hu na muri heneffo tsini, vhonani uri ni  
 nga u shumisa hani ni tshi tamba. Dembetitani  
 nga thambo yo vhofhiwaho ya khwačha.  
 Thomani nga u shumisa zwanda zwivhili, ni  
 shumise tshanda tshine na tshi shumisesa  
 ni kone u tevhedza nga tshine na sa tshi  
 shumisesa.



Tsivhudzo ya mudededzi:  
 Shumisani thambo, sashi  
 na riboni.

Mudededzi:
Tsaino:
Duvha:

# Zwine zwimela zwa toda uri zwi aluwe



Kha ri ambe

Lavhelesani tshifanyiso itshi. Zwithu zwot̄he zwi re khatsho zwi a tshila?

Ambani na khonani yanu ngatsho. Ndi zwithu zwifhio  
zwi tshilaho zwine na kona u zwi vhond?

Ndi zwifhio khazwo zwine zwa vha zwimela?


Zwimela zwi a aluwa?

Zwimela zwi a la? Arali zwi tshi la, zwi la mini?

Zwimela zwi a nwa?

Arali zwi tshi nwa, zwi nwa mini?





Kha ri nwale

Zwino riwalani liñwe na liñwe la haya maipfi kha tshifanyiso tshi re afho  
ntha ni tshi sumbedza uri zwimela zwi toda mini uri zwi aluwe.

masana

madī

pfushi

muya

Duvha: .....



Kha ri ite nyito


Zwi a leluwa u t̄avha tshimela tshanu  
inwi mune. T̄avhani muñawa.

Liga la 1:

Tevhedzani maga haya:

Tibani ñawa tharu nga  
mbemba mbili dza dzudzu.

Zwi vheyeni sosarani kana  
baweleñi i si na tshithu.



Ni tea u vha na:

Liga la 2:

Shelani madi nt̄ha  
ha dzudzu ni vhe  
na vhutanzi uri yo  
ñukala vhukuma.



Liga la 3:

Vheani sosara kana  
baweleñi kha guvha la  
fasit̄ere kana fhethu  
hu re na tshedza tsho  
linganelaho.



Liga la 4:

Nga murahu ha  
maðuvha nyana, t̄olelani  
ni vhone uri tshimela  
tshanu tshi khou  
aluwa nga ndilade. Tshi  
sheledzeni luthihi nga  
vhege.

Duvha la 1

Duvha la 2

Duvha la 3

Duvha la 4

Sheledzani tshimela tshanu  
tshifhinga tshot̄he. Nga murahu ha  
vhege dzi si gathi, ni ðo vha ni tshi  
vho fula ñawa dzanu.

Liga la 6:



Liga la 5:

Musi tshimela tshanu  
tsho no bva midzi, ni  
tshi t̄avhe mavuni o  
limiwaho.



45

# Zwiliwa zwine ra la

Themo ya 3 - Vhege dza 7



Kha ri vhale


Zwiliwa zwa pfushi zwi ri fha mafulufulu.

Ri tea u la zwiliwa zwi re na mutakalo uri ri kone u shuma mishumo yashu zwavhuđi. Zwiliwa zwi re na mutakalo zwi ri fha mafulufulu khathihi na u ri alusa.



Kha ri nwale

Lavhelesani zwifanyiso izwi. Nwalani dzina la lushaka luňwe na luňwe lwa tshiliwa nga fhasi ha tshifanyiso tsho teaho.



Kha ri nwale

Zwithu zwine na funesa u zwi la ndi zwifhio? Ndi zwiliwa zwifhio zwine na si zwi funese? Zwi nwaleni fhasi ha tsho yo teaho afho fhasi. Nangani kha zwifanyiso zwi re a fho nt̄ha.

Zwiliwa zwine nda zwi funa

Zwiliwa zwine nda sa zwi fune


Duvha:.....



### Kha ri vhale

Ri nga khethekanya zwiliwa zwa bva zwigwada zwa sumbe.

Ni tea u la zwiliwa zwi re nga fhasi tshifhinga tshothe. Ni nga kha di la zwiliwa zwi re nga nthanthha, fhedzi hu si tshifhinga tshothe.



### Kha ri ambe

Ambani sa kilasi

Ndi nga mini ri tshi tea u sa lesa zwiliwa zwi re nga nthha tshifanyisoni itsi ngeno ro tea u lesa zwi re nga fhasi?





Kha ri vhale

Vhunzhi ha zwi<sup>l</sup>iwa zwi bva dzibulasini. Tshithu (tshibveledzwa) tsha u thoma tshi bva dzibulasini, tsha kona u shumiswa kha u ita zwi<sup>l</sup>we zwibveledzwa zwa zwi<sup>l</sup>iwa.



Vhurotho na mikapu zwi bva kha goroi.



Ri wana makumba kha khuhu.



Mitshelo i aŋwa kha miri na zwimela.



Ri wana mafhi na ɻama kha kholomo.

Ri ita tshizi na yogati nga mafhi.



Ri shumisa mavhele kha u ita mugayo/vhukhopfu.




Mutoli u bva kha ḥotshi.

Duvha:.....



Swigiri i bva kha mphwe/movha.



Ri wana ḥama na bekhoni kha  
nguluvhe.



Ri nga kona u ṭavha mitshelo  
ngadeni dzashu.



Imbani luimbo ulu ni  
na mudededzi wanu.



Too, too: Vhomme vho vhuya na magwawha.  
Too, too.



Miomva na maapula. Too, too.


Nawa, eregisi na madabula. Too, too.

Ri do la ra khwaṭha mivhili. Too, too.

Nda shuma ndi na nungo. Too, too.

Ndi kapula zwi tshi difha. Too, too.

Nda dzula ndi na nungo. Too, too.



# Zwiliwa zwa mutakalo na zwi si na mutakalo

Themo ya 3 - Vhege dza 8



Kha ri vhale

Zwiliwa zwine ra zwi funesa a si zwone zwe ri teaho tshifhinga tshothe. Tshiñwe tshifhinga ri nga takalela tshithu tshine tsha si vhe tshavhuði kha riñe. Tshiñwe tshifhingavho a ri takaleli tshithu tshine tsha vha tshavhuði vhukuma kha riñe.

Zwenezwo, zwiliwa zwavhuði zwa dalesa zwi nga ni dina. Ulæsa zwithu zwinzhi a zwi na mutakalo. Ilani u swika ni tshi pfa no fura. Ni so ngo la tshithu ni sa gumi ngauri ni khou tshi takalela.



Kha ri ite nyito

Gerani zwifanyiso zwa zwiliwa zwi re na mutakalo na zwi si na mutakalo kha magazini ni zwi nambatedze kha zwikotikoti zwo teaho. Arali ni sa koni u wana zwifanyiso izwi, ni tou ola zwiliwa.



Zwiliwa zwi re na  
mutakalo



Zwiliwa zwi si na  
mutakalo

Duvha:.....



Kha ri nwale

Vhuragane

Shumisani zwe na guda nga zwiliwa kha u nwala menyu wanu.

Tshiswičulo

Tshilalelo



Kha ri ite nyito

Ri khou ya u ita saladi ya mitshelo.  
Tevhelani fhedzi ndaela dzi re afho fhasi.



Ni tea u vha na:

- Tshaka dzo fhambananaho dza mitshelo
- Dzhusi ya mitshelo
- Aisikhirimu kana khirimu
- Bawele khulwane

Tevhelani maga haya:



- Tanzwani mitshelo.
- Swotolani makanda arali zwo tea (sa maswiri).
- Tsheani hu bve zwipida zwičuku. (Ni humbele muthu muhulwane a ni thuse)
- Tanganyisani mitshelo kha bawele.
- Ilani ni diphine zwo tou ralo kana no shela aisikhirimu kana khirimu nga nt̄ha.



# U vhulunga zwiliwa

Themo ya 3 - Vhege dza q



Kha ri vhale

Lavhelesani tshifanyiso itshi.



KHALENDA 2015

KHUBVUMEDZI

M	T	W	T	F	S	S
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27



Kha ri ambe

Ndi mini zwe na zwi vhona malugana na maduvha? Zwi kha di lea? Ni vhona u nga ho bvelela mini kha zwiliwa izwi?



Kha ri vhale

Zwiliwa zwitete a zwi dzuli zwi zwitete

tshifhinga tshilapfu. Minwe mitshelo na miroho i a thoma u puta ya sina. Nama, khovhe na zwiñwe zwiliwa zwa mafhi zwi a sina. A ri tsha kona u dovha ra zwi la. Ri nga ita mini uri zwiliwa zwi dzule zwi zwitete? Fhethu havhudi ha u vhulunga zwiliwa ndi firidzhini, fhedzi zwiñwe zwiliwa zwi a sinavho arali zwo dzulesa firidzhini kana kha tshixwatudzi. Hu na dziñwe ndila dza u ita uri zwiliwa zwi dzule zwi zwitete.



### Kha ri ambe

Lavhelesani zwifanyiso izwi.  
 Ambani na khonani yañu ngazwo.  
 Hu na ndila dzifhio dzo  
 fhambananaho dzine dza nga  
 vhulunga zwiliwa?  
 Hu na dzine na nga dzi humbula?  
 Ambani na khonani yañu ngadzo.  
 Vhudzani k $\ddot{\text{i}}$ lasi tsumbo dzadzo.

Duvha:.....



### Kha ri nwale

Lavhelesani zwifanyiso zwi re afho fhasi ni vhale maipf $\ddot{\text{i}}$  a re zwibogisini. Ni  
 kone u riwala  $\ddot{\text{l}}$ ithihi  $\ddot{\text{l}}$ a maipf $\ddot{\text{i}}$  aya nga fhasi ha tshifanyiso tshi no yelana na  
 ipf $\ddot{\text{i}}$  ilo.

Zwitete

Zwa zwiko $\ddot{\text{t}}$ ikot $\ddot{\text{t}}$ ini

Zwo omiswaho  
(mikusule)

Zwo omiswaho aisini  
(zwo xwatudzwaho)



# Tshaka dza mahaya (1)

Themo ya 4 - Vhege dza /





Kha ri ambe

Hayani haṇu ndi hune na  
dzula hone.

Vhatu vha Afrika  
Tshipembe vha dzula midini  
yo fhambananaho.

Inwe na inwe ya nn̄du idzi ni  
nga i wana ngafhi?




Duvha:.....



Kha ri ambe

Lavhelesani zwifanyiso. Ambani na khonani yanu nga zwithu zwine zwa fana midini yothé. Ni kone u amba nga zwithu zwi sa fani. Ho dalesa zwifhio? Zwi no fana kana zwi sa fani?



Fulethe



Nndu dza tshitizi tshithihi na zwivhili



Kharavane na madennde



Vhudzulo ha mikhukhuni



Nndu dza sialala



Kha ri ite nyito



Midi ya tshitizi tshithihi.

Shumani ni kha zwigwada. Wanani bogisi la zwienda. Li penndeni uri li nge nndu. Divhumbeni nga vumba (kana vumba la u tambisa) tshifanyiso tsha musi ni tshi khou ita zwiñwe zwithu nga nnda ha nndu.



# Tshaka dza nndu (2)



Kha ri ite nyito

Elekanyani nga midi yo fhambananaho ye na vhuya na i vhona hune na dzula hone kana he na vhuya na dala. Olani zwifanyiso zwa tshaka mbili dza midi ye na vhuya na i vhona.



Kha ri ambe

Tsivhudzo ya mudededzi:  
Mudededzi wanu vha do  
thetshelesa mihumbulu  
ya vhoiwe.


Nduni yo fhatiwaho zwavhuđi ya khwatha a ri pfesi phepho na mufhiso. A ri nelwi nga mvula kana ra dinwa nga maya. A si vhatu vhanzhi vho tsireledzwaho ngaurali. Ambani na khonani yanu nga uri vhatu vha ditsireledza nga ndilade arali vha sa dzuli ngomu dzinduni.

Duvha:.....



### Kha ri ḫaramuwe

- Ḫaramuwani u ya nga hune na nga kona uri ni kone u pennda ḫanga ya nn̄du ya han̄u.
- Gwadamani fhasi ni ṫavhe zwimela ngadeni yanu.
- Ḫaramudzani zwanda zwi ye matungo ni tshi sumbedza u vulea ha mafasit̄ere a nn̄du yanu. Zwino valani mafasit̄ere oṭhe.
- Kwatamani ni ṫahule ngadeni ya han̄u.
- Swielani fhasi nga luswielo lulapfu.
- Ṭanzwani mafasit̄ere nga labi ili.



#### Tsivhudzo ya mudededzi:

Thetshelesani mutevhetsindo une mudededzi waṇu vha ḫo lidza kha ngoma. Tsukunyeyani na mudivhit̄o uyu. Musi mudededzi waṇu vha tshi tshirtsha mudivhit̄o, na inwi tshirtshani luvhilo lwa kutsukunyele kwaṇu. Ni thetshelese zwavhud̄i.



Mudededzi:
Tsaino:
Duvha:



51

Themo ya 4 - Vhege dza 2

# Zwe midi yo fhambanaho ya fhatwa ngazwo



Kha ri ambe

Lavhelesani zwifanyiso.



zwidina



thaili



mazennge



semennde



madzhesi/thanga



ngilasi



basha



mabulannga




matombo



seila




pulasitiki



vumba/mavu



tsimbi



mikumba



mutavha



Ambani na khonani yanu nga matheriala o fhambanaho.

Ndi afhio a no bva limagani?

Aya mariwe a bva ngafhi?

Talutshedzani kilasi uri nndu dzine na dzi vhona ni tshi da tshikoloni dzo fhatwa nga matherialade.

Tsvhudzo ya mudededzi:  
Mudededzi wanu vha do rrwala  
mutevhe kha bodo.



Talani mutalo u tshi sumbedza uri lushaka luñwe na luñwe lwa nnđu lwo fhañwa nga matheriañla afhio.

Kha ri ite nyito

Duvha: .....


Tsivhudzo ya mudededzi:  
Mudededzi wañu vha ño kuvhanganya bugu dzañu dza u shumela uri vha dzi sedze.



Lushaka lwa nnđu



Matheriañla a u fhañta



# Nndu dzi no tea mutsho wo fhambanaho

Themo ya 4 - Vhege dza 2



Kha ri vhale

Nndu dzi tsireledza vhatu kha mutsho wo fhambanaho. Dzi a kona u ri tsireledza kha masana a duvha a no fhisa. Dzi dovha dza ri tsireledza kha phepho, myua na mvula.



No vha ni tshi zwi di<sup>v</sup>ha uri vhatu vha no dzula mashangoni a no rothola vha tea u fha<sup>ñ</sup>a nndu dza tshipentshela? Nndu idzi dzi tea u tsireledza vhatu kha phepho musi gambogo i tshi wa.

Hoyu ndi mepe wa Greenland, shango la u rothola.



Heyi ndi  
igloo

Vharwe vha vhatu vha no pfi Vhainuit, vhane vha dzula fhethu ho dalesaho gambogo na aisi, vha fha<sup>ñ</sup>a vhukhudo havho ha vhuria nga mabuloko a aisi. Aisi i thivhela phepho. Vhukhudo uhu hu vhidzwa upfi ndi igloos.

Duvha:.....



### Kha ri ite nyito

Ni kha zwigwada, itani litambwa la uri ni nga  
fhat̄isa hani nn̄du.

Nangani uri i do vha nn̄dude?

vhudzulo ha mikhukhuni

Ni do shumisa matherialade?

Shumisani mañwe a maipfi  
haya?

vothi

midi ya sialala

nn̄du dza tshitizi  
tshithihi kana zwivhili

nn̄du dza Cape-Dutch

zwidina

luvhondo

pennde

fulethe

thanga

tshimini (tshumela)

fasit̄ere

semennde



### Kha ri vhale

Itani itshi tshirendo sa  
tshipida tsha litambwa janu:



Fhat̄a iwe fhat̄a, nn̄du ntswantswa!

Randa muteo, u hwalele zwidina luvhondo lu ime

Namedza kapa u rwele mbalelo, mazennge a gonye

Hu vhe u awela duvha u fhisa.



Fhat̄a iwe fhat̄a, nn̄du ntswantswa!

Tshit̄avha na mavothi na dzithaili khezwi

Mađi na semennde kha zwi swike ri hulunge –

Hu vhe u tinya mvula.



Mudededzi:  
Tsaino:

Duvha:


# U wana fhethu na zwithu (1)



Kha ri vhale

Hu na tshaka dzo fhambananaho dza mimepe. U itela u kona u nanga mepe wo teaho ri tea u diivha uri ndi nga mini ri tshi ṭoda u shumisa mepe.

Mepe ya zwitaraṭa i ri thusa kha u wana zwitaraṭa na huñwe fhethu ḫoroboni thukhu na khulwane. Vhorabulasi vha ṭoda mimepe ine ya sumbedza zwithu zwi no nga madamu, milambo na thavha.



Duvha: .....



Kha ri ite nyito

Musi ni na khonani yañu, ambanı nga mbudziso idzi. Olani tshitendeledzi u mona na fhethu hu re kha tshifanyiso tshi re kha masiañari aya mavhili.

Ni nga wana ngafhi bugu dza u vhala?

Ni nga pota ngafhi mbava?

Ni nga ya ngafhi musi ni tshi lwala?

Ni nga renga ngafhi zwiliwa?

Ni nga lindela bisi ngafhi?

Ni nga pfuka tshitarañta ngafhi no tsireledzea?

Tsivhudzo ya mudededzi:

Mudededzi wañu vha ño ni  
vhalela afha fhethu nga huthihi  
nga huthihi, na kona u wana  
phindulo.



# U wana fhethu na zwithu (2)

Themo ya 4 - Vhege dza 3



Kha ri ambe

Lavhelesani ndila, ine Mulalo a tshimbila ngayo u bva mudini wa hawe u swika tshikoloni, kha mepe uyu wa bada wa zwifanyiso.

Talutshedzani khonani yanu uri Mulalo u do tshimbila nga ndila ifhio.

Ni shumise mañwe a haya maipfi:

nthia

fhira

vhambelia

pfuka

fhasi





### Kha ri tharamuwe

- Navhisani thambo ndapfu fhasi.
- Ni khou do tshimbila "badani" iyi.
- Tshimbilani nt̄ha ha thambo ni tshi ya phanda, murahu na matungo.
- Tshimbilani nt̄ha ha thambo no vhea zwanda nt̄ha ha t̄hoho.
- Tshimbilani nt̄ha ha thambo ni tshi ya murahu zwanda zwanu zwi mučanani.
- Tshimbilani nt̄ha ha thambo ni tshi ya matungo zwanda zwanu zwi kha khundu.

Duvha:.....



### Kha ri vhale

No kona u swika ngafhi? Arali no kona u ita mučharamuwo uyu wočhe zwavhuđi, khałarani tshifhałuwotshiňwethuwi. Arali no balelwa tshočhe u ita mučharamuwo uyu, khałarani tshifhałuwotshiňtungufhali. Arali no kona u ita minwe ya mičharamudzo iyi khałarani tshifhałuwotshi re vhukati ha u řwethuwa na u t̄ungufhala.


Ndo kona u tshimbila nt̄ha ha thambo ndi tshi ya phanda na murahu.			
Ndo kona u tshimbila nt̄ha ha thambo ndi tshi ya matungo.			
Ndo kona u tshimbila nt̄ha ha thambo ndo vhea zwanda nt̄ha ha t̄hoho.			
Ndo kona u tshimbila nt̄ha ha thambo ndi tshi ya murahu zwanda zwanga zwi mučanani.			
Ndo kona u tshimbila nt̄ha ha thambo ndi tshi ya matungo zwanda zwanga zwi kha khundu.			





Kha ri nwale

Mepe ya zwifanyiso i ri thusa kha u vhona uri fhethu ho thalangana nga ndilade. Lavhelesani mepe hoyu.



Kha ri nwale

Fhindulani hedzi mbudziso. Ni nga kha di humbela khonani yanu uri a ni thuse.

Itani tshitendeledzi hune na vhona **km**.

Ni na zwitendeledzi zwingana?

Maanda u tshimbila u bva hayani u ya laiburari.

U vhona mini tsini na laiburari?

Ndi luswayo lufhio lwe a lu vhona e ndilani?

Maanda o tshimbila vhukule vhungafhani?

Ndi tshifha<sup>to</sup> tshifhio tshine Maanda a nga kona u tshi vhona e munangoni wa laiburari?

Maanda u na ndala. U khou todou ya hayani. Kha<sup>larani</sup> bada ya tshikhau ya u bva laiburari i tshi ya hayani hawe.

Mudavhi wa bola ndi wone u re tsinisa na hayani ha hawe?

Tsivhudzo ya mudededzi:


Ni vhe na vhu<sup>lanzi</sup> tshifhinga tsho<sup>the</sup> uri mudededzi wanu ni a vha vhudza naa arali ni sa koni u vhona zwavhudzi.

Duvha:.....



Kha ri ite nyito

Olani mepe wa zwifanyiso wa inwi muñe wa ndila ine na tshimbila ngayo vhukati ha fhethu huvhili. Ni nga nanga fhethu huñwe na huñwe huvhili. Musi no no fhedza ni nga sumbedza mepe wañu khonani dzañu. Sumbedzani khonani yanu mepe wañu ni ri a ḥalutshedze ndila yanu. Vhonani arali o zwi kona. Vhudzani mudededzi wañu arali khonani yanu o ita zwone.



# Wanani zwiitei tshitorini

Themo ya 4 - Vhege dza 4



Kha ri ite nyito

Mudededzi wañu vha ðo ni vhalela tshitorini tsha Maemu. Thetshellesani zwavhudzi. Tevhelani ndila ine Maemu a fara yone kha mepe u re buguni yanu.

Tsivhudzo ya mudededzi:  
Mudededzi wañu vha ðo ni  
vhalela yone haf'hu vha ni  
humbela uri ni ite tshif'hambano  
**(X)** kha fhethu.



Nga Migivhela Maemu u tamba na khonani dzawe phakhani ya **(X)**. Liñwe ñuvha nga matshelonitsheloni mme awe vha ri: "Makhulu vha khou lwalala. Ni nga kona u vha isela izwi zwiliwa?"

Duvha:.....

Maemu a dzhia pulasit̄iki khulukhulu ya zwiliwa. Fhedzi musi a tshi tou bva nga gethe (X) a tangana na munwe munna. Uyu munna a amba nga ipfi lidenya a ri. "Hoo, ndi khou zwi vhona uri wo hwala zwiliwa. Zwi khou ya ha makhulu, a thi ri?" Maemu a pfa o tshuwa nga maanda. A thoma u hwenya a tshi tsa na bada o livha tshit̄itshini tsha vhadzimamulilo. A tshi swika henefha a khonela kha tsha monde (X). Fhedzi a ri a tshi sedza murahu a vhona u la munna a tshi khou mu tevhela.

Maemu a humbula u ya u ḥoda thuso kha khonani dzawe phakhani. A tshi swika ḥaiburari, a khonela kha tsha u la a tshimbila a tshi ya phanda (X). Kha tsha monde a vhona tshikolo, a tshi fhira (X). Zwitarat̄ani a hu na na muthu. Maemu a thoma u hwenya henefha badani (X).

Ho no vha fhal̄a a mbo di vhona phakha. A tshimbila kha buroho (X) uri a kone u swika kha khonani dzawe dzi re getheni la phakha! (X)



### Kha ri ḥaramuwe

Ri khou tamba mutambo wa rilei.

- Vheani zwidulo zwanu zwo ita danga. Tambani "tshintsha vhudzulo" – ni tea u wana ndila ya tshikhau ya u swika tshiduloni.





# Kushumisele kwashu kwa madi: hayani na tshikoloni



Kha ri nwale

Ri shumisa madi duvha liñwe na liñwe. Lavhelesani ndila dzo fhambananaho dzine ra shumisa ngadzo madi. Fhasi ha tshifanyiso tshiñwe na tshiñwe, ñwalani zwine madi a shumiselwa zwone. Shumisani t̄hohwana dzi tevhelaho.



Kha u dzima mililo

Kha u t̄amba

Kha u ita uri zwimela zwi aluwe

Kha u kuvha na u t̄anzwa zwigodelo

Kha u bika zwiñwa





### Kha ri ambe


Ambani nga zwiñwe zwithu  
zwinzhi zwine ra shumisa madì  
khazwo. Mađi ndi vhugala.  
Ambani ngauri ri tambisa hani  
madì. Hu nga bvelela mini arali  
ra nga fhelelwa nga madì?  
Vhudzani mihumbulo yanu  
vhañwe nga inwi kilasini.



Duvha:.....



### Kha ri tħaramuwe



### Edziselani zwi tevhelaho:

Mađi a no khou  
shuluwa kha  
bommbi a tshi  
dzhena kha  
beizini.



Gole la mvula li no  
khou engedzedzea  
la fhedza lo nisa  
mvula khulu ha  
fhedza  
makole o  
balangana.

Mulambo u no khou elela nga  
zwituku u tshi pfuka matombo  
wa fhedza u tshi vho elela  
mučavhani musekene.



### Kha ri tambe

- Tambani mutambo wa "Bakete na marotha a madì".






# Ndila dza u lozwa madi

Themo ya 4 - Vhege dza 5



Kha ri nwale

Lavhelesani zwifanyiso izwi. Itani thiki (✓) tsini na tshifanyiso tshiñwe na tshiñwe tshine khatsho madi a vha a tshi khou vhulungiwa, na tshifhambano (✗) tsini na tshifanyiso tshiñwe na tshiñwe tshine khatsho madi a vha a tshi khou lozwia.



Duvha:.....



Kha ri ambe

Lavhelesani zwifanyiso zwe na dzenisa tshif'hambano khazwo. Ambani sa kilasi nga zwine vhathe vha khou ita tshifanyisoni tshenetsho. Ambani uri vha nga shumisa madzi zwavhuđi nge vha ita mini.



Kha ri nwale

Vhalani mafhungo a re afho fhasi. Dzenisani thiki (✓) kha fhungo linwe na linwe line la do ri thusa u vhulunga madzi, na tshif'hambano (✗) kha tshiñwe na tshiñwe tshi no lozwa madzi.



	✓ kana ✗
Ndi litsha bommbi i tshi khou shulula madzi musi ndi tshi khou ḥambā mano.	
Ri shumisa tshisibe tshi no vhavhalela mupo. A thi tevhuli madzi a u ḥambā a bavuni, ndi a shumisa ngadeni.	
Madekwana manwe na manwe ndi ḥambā bavuni lo ḥalaho nga madzi.	
Arali nda vhona bombbi i tshi khou rothisa madzi ndi a i vala ya khwathha.	
Ri ḥanzwa zwigodelo madzi a tshi khou shuluwa.	






# Maǵi a u nwa o teaho nā a songo teaho

Themo ya 4 - Vhege dza 6



Kha ri nwale

Lavhelesani zwifanyiso izwi. Dzhenisani thiki (✓) kha tshifanyiso tshiñwe na tshiñwe tshi no khou sumbedza nyito dzi si na khombo. Dzhenisani tshifambano (✗) kha tshifanyiso tshiñwe na tshiñwe tshi no khou sumbedza nyito dzi re na khombo.



Duvha:.....



### Kha ri nwale

Nwalani ipfi "a zwi na khombo" kana "zwi na khombo" ni tshi fhedzisa mafhungo. Ro dzula ro ni itela la u thoma.

Unwa madi a re na tshika **zwi na khombo**.

Ubambela madini a re na tshika \_\_\_\_\_.

Unwa madi a re mabodeloni \_\_\_\_\_.

Unwa madi a no bva mulamboni wo tshikafhadzwaho \_\_\_\_\_.

Unwa madi a phaiphini o kunakiswaho \_\_\_\_\_.



### Kha ri tambe



Tambani na vharwe vhavhili.

- Vhandani zwanda khathihhi (mazha) na madi a no khou rotha:
  - nga u ongolowa bommbini
  - nga u t̄avhanya bommbini
  - nga u t̄avhanya nga maanda bommbini
  - nga tshifhinga tshithihhi
- Tambani mutambo muñwevho wa u vhanda zwanda une na u ñivha



### Kha ri ñharamuwe

- Thamuwani sa tshidula tshi tshi bva madini o tshikafhalaho.
- Thamuwani sa tshidula tshi tshi bva madini o kunaho.
- Gadani sa bere i re na ñora i no khou gidiimela u nwa madi.
- Gidiimani nga luvhilo ni tshi shavha mvula ya tshirulu.
- Rathani kha matombo ni tshi pfuka mulambo. Thusani vhane vha si kone u tshimbila.
- Dzunguluwani no ima fhethu huthihi sa madi ane a khou shuluwa bavuni (ni noñhe na musi ni na khonani).
- Mudededzi wañu vha ño ni sumbedza uri ni tshintshela lini kha muñwe muñharamuwo. Thetshelesani zwavhudzi zwine vha khou ni sumbedza.



Mudededzi:

Tsaino:

Duvha:

# U vhulunga madi o kunaho

Themo ya 4 - Vhege dza 6



Kha ri vhale

Madi a tshika a ri vhangela malwadze.

Ri tea u nwa madi o kunaho.

Ri tea u tshamba na u bambela madini o kunaho.




Kha ri ambe

Lavhelesani zwifanyiso. Ambani na khonani yanu ngauri madi ashu o kunaho a bva ngafhi? Vhudzani kilasi mihibulo yanu. Musi ri tshi kunakisa madi, a a kuna lune ra kona u a nwa.



Ri nga nwa madi a mvula arali tshanga dza nndu ya hashu na thannge zwo kuna.



Mimasipala i kunakisa madi ya a vhulunga uri ri kone u a nwa.



Ri nga vhilisa madi ashu uri ri bvise tshika.



Ri nga sefa madi ashu uri ri bvise tshika.

Duvha:.....



Kha ri ite nyito

Ni tea u vha na:

Humbelani mudededzi wañu vha ni sumbedze uri sefo (filithara) ya madi i itiswa hani.

Bodelo la 2 litha la pułasitiki  
Mułavha musekene, wo kunaho  
Mułavha wa madzhoro, wo kunaho  
Thongwana/giravhulu, dzo kunaho  
Lufhangalu no f'hira  
Dzudzu lo kunaho  
Ngilasi ya madi



Kha ri tħaramuwe

- Shumisani tħisagħana tsha nawa na hupu. Vheani hupu f'hasi vħagudi vho ima kha rou vhukleha 5m u bva kha hupu. Ni nga shumisa hupu ya netibolo.
- Mugudi muñwe na muñwe u wana tħixxhala tsha u posa tħisagħana tsha nawa kha hupu.



# U bva kha masiari u ya kha vhusiku



Kha ri vhale

Masiari na vhusiku zwo fhambana.

A zwi fani, ri pfa miungo yo fhambananaho, nahone ri ita zwithu zwo fhambananaho.

Nga masiari ri vhona u penya ha duvha. Duvha li ri fha tshedza na vhududo.

Vhunzhi ha vhathe vha shuma nga masiari, nahone ri ya tshikoloni nga masiari.



Kha ri nwale

Lavhelesani zwifanyiso ni ambe na khonani yanu ngazwo. Ndi zwifanyiso zwa masiari kana vhusiku? Zwi fhambana nga mini? Nwalani uri "Masiari" kana "Vhusiku" nga ntsha ha tshifanyiso tshiinwe na tshiinwe.






### Kha ri vhale

Duvha li kovhela nga madekwana.  
Hu a swifhala ra thoma u vhona  
ñwedzi na ñaledzi.

Ri tea u shumisa mbone uri ri  
kone u vhona zwine ra khou ita.



Duvha:.....



### Kha ri ñharamuwe

- Shumisani mapala (vhuno) kana ni shumise khounu dzi no nga bikhoni na bola.
- Vheani vhuno (kana bikhoni) mithara dzi si gathi u bva kha vhagudi.
- Shumisani bola khulwane ine ya nga sa bola ya milenzhe.
- Rahelani bola mapalani kana vhukati ha bikhoni.
- Thomani nga u raha nga mulenzhe wa tsha u ja ni tevhedze nga wa monde.
- No kora zwikoro zwingana?



# Makoleni vhusiku

Themo ya 4 - Vhege dza 7



Kha ri vhale


Masiari ri vhona lutombo na makole nyana. Tshi re tshihulwane ndi uri ri vhona ḫuvha.



Vhusiku, ri vhona ḓwedzi na ḓaledzi. Hu dovha ha vha na pulanete dzi no vhonala sa ḓaledzi.




Tshiñwe tshifhinga ḓwedzi u a kona u vhonala na nga masiari. A ri koni u u vhona zwavhuđi ngauri ḫuvha li a penyesa. Sedzani ni vhone arali ni tshi nga kona u vhona ḓwedzi nga masiari.



Kha ri ite nyito

Ṅwedzi a u vhonali u tshi fana ḫuvha liñwe na liñwe. Lavhelesani ḓwedzi kha vhusiku vhułanu hu no tevhelelana. Kha zwibogisi zwi re afho fhasi, olani zwivhumbeo zwe fhambananaho zwa ḓwedzi zwe na zwi vhona.

Vhusiku ha u thoma	Vhusiku ha vhuvhili	Vhusiku ha vhułanu




Hezwi zwithu ndi duvha na pulanete dzi re kha sisiteme yashu ya duvha – ndi vhahura vhashu vha re tshikhalani. (Duvha na pulanete a two ngo oliwa zwi tshi sumbedza saizi dza vhukuma.)



**Kha ri ambe**

Hetshi ndi tshifanyiso tsha Sathene. Yo fhambana na dziwe pu<sup>l</sup>anete dzot<sup>h</sup>e ngauri i na rinngi u mona nayo. Ni a kona u vhona zwithomathoma zwitshena zwi re kha tshifanyiso? Ni vhona u nga ndi mini? Lavhelesani tshifanyiso tshihulwane tshi re nga nt<sup>h</sup>a. Sathene ndi khulwane kana ndi thukhu kha lifhasi? Ndi pu<sup>l</sup>anete ifhio i no fhira Sathene?




# Duvha na nwedzi

Themo ya 4 - \hege dza 8



Kha ri ambe

Lavhelesani zwifanyiso izwi.



Ambani na khonani yanu. Zwi ri sumbedza mini? Ni nga bula phindulo iñwe na iñwe i no da muhumbuloni wanu.

Tsvhudzo ya mudededzi:  
Mudededzi wañu vha ño thetshelesa  
mihumbulo yanu vha kona u ni vhudza  
uri ndi zwifanyiso zwa mini.



Kha ri vhale

Duvha ndi ñaledzi. Li fana na bola khulukhulu ya mulilo ine ya hasekanya mufhiso na tshedza zwi tshi ya kha masia othe. Duvha ndi lìhulwane kha lìfhasi nga zwigidi na zwigidi. Nwedzi ndi bola khulwane ya matombo na buse ine i si hasekanye mufhiso. Nwedzi a u ri vhonestsheli nga tshedza tshawo. U nga tshivhoni tshi no humisela masana a ñuvha kha riñe. Nwedzi ndi muñuku nga maanda kha lìfhasi.



Kha ri ambe

Ambani na khonani yanu nga zwa uri nwedzi wo shandukisa hani kha vhusiku ha maduvha mañanu. Ni kone u lavhelesa zwifanyiso izwi. Nwedzi wanu wo vha u tshi vhoneala sa tshiñwe tsha izwi?



Nwedzi wa gumba



Lutshenzhe



Luvhedzhegu/Nzedzana

Duvha:

64



# Naledzi



Kha ri vhale

Duvha ndi yone ḥaledzi i re tsinitsini na riñe. Dziñwe ḥaledzi dzoñhe dzi kulekule na riñe. Arali ni tshi nga fara lwendo lwa u ya u dala kha inwe na inwe ya ḥaledzi idzi nga luvhilo luhulu, zwi nga ni dzhiela miñwaha minzhi u swika khadzo.



Kha ri ambe

Penya ḥaledzi, penya,  
A thi ñivhi uri u nnyi.  
Nt̄ha ṭadulu wo dzula.  
U tshi penya sa daimani.  
Penya ḥaledzi, penya,  
A thi ñivhi uri u nnyi!



Kha ri vhale

Luimbo ulu lwo vha lu tshi imbiwa na miñwahani ya kalekale. Vhathu vho vha vha sa ñivhi zwinzhi nga ḥaledzi. Ano maduvha ri vho ñivha zwinzhi vhukuma. Vhaendatshikhalani vha ya tshikhalani nga rokhethé dza tshipentshela uri vha ñivhe zwinzhi nga ḥaledzi. Musi vhaendatshikhalani vha tshi ya tshikhalani, vha ambara sutu dza tshipentshela dza tshikhalani. Nga nt̄hani ha vhaendatshikhalani vha vhahali na vhat̄ali vhe vha vha rumela henengei, zwino ro no guda zwinzhi nga ḥaledzi.



Kha ri ambe



Ndi zwithu zwavhuñi uri ro guda zwinzhi nga ḥaledzi? Ambani nga haya mafhungo na khonani yanu.



Themo ya 4 - Vhege dza 8



Inwi ni wa tshipentshela.

Muvhili wanu wothe  
ndi wa tshipentshela.

Muvhili wanu ndi wanu!



A HUNA  
MUTHU  
o teaho u  
kwama  
vhudzimu  
hanu.

Arali muñwe muthu a nga kwama  
vhudzimu hanu, vhudzani vhañwe.

Arali muñwe muthu a nga ni  
itisa zwithu zwine ni si zwi fune,  
vhudzani vhañwe.

Hune na nga founela hone  
ni tshi <sup>toda</sup> thuso:


Child Line: 0800 05 55 55

Life Line: 0861 322 322

SAPS Crime Stop: 086 00 10111

Nomboro ya shishi ya SAPS: 10111

Nomboro ya Vha Tsireledzo ya Vhana:  
012 393 2359/2362/2363



**Make a placemat**  
Cut out the pictures you like and  
paste them on to the opposite page to  
make yourself a two-sided placemat.  
Cover or laminate the placemat with  
plastic and use it when you eat.





